

Dialuna Sr. Don Tico Kuiperi (q.e.p.d.) ta cumpli 12 aña di a fayece

ORANJESTAD – Dialuna awor 23 di Maart 2009 e mundo di farandula y di deporte Arubano ta recorda 12 aña di fayecimento di e figura mas popular den henter historia di TV Arubano, Sr. Don Tico Kuiperi (q.e.p.d.). No ta existi ningun productor, ningun planta di TV of otro compania di produccion local cu a produci, dirigi y presenta mas espectaculo artistico musical cu e decano di TV Sr. Don Tico Kuiperi (q.e.p.d.). Sr. Don Tico Kuiperi na bida tabata:

1. Presidente di A.V.B. (Arubaanse Voetbal Bond)
2. Presidente di A.S.U. (Aruba Sport Unie)
3. Presidente di A.B.B.A. (Amateur Baseball Bond Aruba)
4. Presidente di Sport Vereniging Aruba J.R.S. na Socotoro.
5. Presidente di Sport Vereniging Club Caribe



6. Presidente di Club Bolivariana
7. Fundador di Extra Sluggers Softball Team.
8. Fundador di Aruba J.R.S. Vets Softball Team.
9. Fundador, Director, Productor y Animador di Showtime na Telearuba 25 aña.
10. Fundador, Director, Productor y Animador di Ripiti

y Gana na Telearuba 20 aña.

11. Fundador, Director, Productor y Animador di Cocktail Musical na Telearuba.
12. E promer locutor di radio na Aruba, Voz Di Aruba.
13. Fundador y Narador oficial di Cabalgata Deportivo na Voz Di Aruba y Canal 90.
14. Director y Redactor di corant Nobo na Aruba.
15. Director di nos planta nacional Telearuba

16. Chef Protocol, 11 aña di gobierno di nos Libertador Sr. Betico Croes (q.e.p.d.)

Lo ta un bunita gesto si e departamento concerni di nos gobierno Arubano reconoce e aporte cultural y deportivo aki y cambia Emmastraat den Socotoro pa Caya Don Tico Kuiperi pa asina oficialmente rindi homenahe na Don Tico su dedicacion y contribucion impagable na Aruba su Cultura y Deporte. E mundo deportivo, cultural y especialmente pueblo di Aruba en general indudablemente lo apoya y aprecia e decision tan importante aki.

Bon Dia Aruba ta probecha di desea Doña Adelita Chemaly Kuiperi, señora di Don Tico Kuiperi, kende ta sufriendo un kebrante di salud un pronto recuperacion.

Ademas di e tantisimo

organizacionnan deportivo y cultural cu Don Tico a presidi durante henter su bida, Showtime tabata esun cu mas tempo el a dedica na dje y tambe esun cu mas exito el a cosecha cune. Don Tico tabata presente tur Diadomingo anochi pa 25 aña consecutivo cu su sonrisa y carisma den tur hogar di Aruba via nos planta nacional Telearuba.

Don Tico a laga atras un tremendo tesoro cultural cu ta mas di 1000 grabacion di espectaculonan musical di nos artistanan local y djis pa menciona algun: Padu Del Caribe, Robert Jeandor, Claudius Phillips, Cesar Olarte, Sharon Rose, Trio Huasteca, Jossy Brokke, Don Ramon, Tino Ruiz, Rufo Wever, Trio Los Arubeños, Tica Giel, Maybelyn Arends Vale Croes, Rufo Odor Chicho Kock, Juancho Kock, Edwin Abath, Casin Giel, Jack Tromp, Oscar Figueroa, Cecil Growell, Sasha Figueroa, Dhaddy Brokke, Casin Giel, Edjean Semeleer, Cecelito Lopez, Gabriel Flores, etc. etc.

Di robes pa drechi: Leslie Kuiperi (Marriot Casino), Gina Kuiperi, Don Tico Kuiperi (q.e.p.d.) Sra. Doña Adelita Chemaly Kuiperi, Frankie Kuiperi (Arubus), Ralph Kuiperi (q.e.p.d.) y Rino Kuiperi (Foxwoods Casino USA), durante e celebracion di 20 aña di existencia di Showtime den un espectaculo historico nunca visto cu presentacion di un cantidad di artistanan local y den presencia di tur su fiel patrocinadornan. Showtime ta e unico show cu por ehempel por presenta un ora completo di e bida artistico musical di e compositora y cantante local Bernadina Growell (q.e.p.d.) mihor conoci como Mama di nos Cultura kende tambe merece ser oficialmente reconoci. Don Tico masha masha danki pa bo aporte na nos cultura y deporte.